

# INUIT ATAQATIGIIT

## Inatsisartuni



1. april 2019

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

### **Naalakkersuisunut apequt:**

**1. Greenland Mineral Energy ulloq 28. Marts 2019 una:**

<https://www.proactiveinvestors.com.au/companies/news/217375/greenland-minerals-and-energy-s-kvanefjeld-social-assessment-ready-for-public-consultation-217375.html> aqqutigalugu nalunaarpoq SIA (Kuannersuarni – aamma uraniumimillu akulinnik – aatsitassarsiornissamik pilersaaruteqarnermi tamatuma siunertaangitsumik ilaqutaasinnaasumillu inuiaqatigiinnut sunniutigisinnaasai pillugit naliliinermik imalik nalunaarusiaq VSB) tusarniaassutigineqarnissaminut piareertoq.

- Ilumoorpa SIA tusarniutigineqarnissaminut piareertoq?

**2. SIA tusarniutigineqarnissaminut piareeqqasoq Naalakkersuisut qanga tiguvaat?**

**3. Apequt 1-imut akissut aappiuppat: SIA-p tusarniutigineqarnissaa qaqugu aallartissasoq Naalakkersuisut pilersaarutigaat?**

**4. Apequt 1-imut akissut naamiuppat: SIA-p tusarniutigineqarnissaanut piareernerarlugu GME-p nalunaarnera Naalakkersuisut qanoq nalilerpaat?**

(Inatsisartunut ilaasortaq Sofia Geisler, Inuit Ataqatigiit)

### **Tunngavilersuut:**

Kuannersuarni aatsitassarsiornissamut atatillugu pilersaarutit GME-mi Naalakkersuisuniillu assigiinngitsumik nipeqartumik oqaatigineqartarnerat manna tikillugu assigiinngitsumik imaqartuartarmat tupigusuutigivara. Taamaattumillu paaserusuppara SIA pillugu killiffik sumerpiaq inissisimanersoq.

Kissaatigivara apeqqutikka ullut suliffiusut qulit qaangiutinnginneranni akineqarnissaat.